

Röm. Keiserl. Maiestat  
Kriegs Rüstung u.s.w.  
1535.

N. e.  
2209

















# Keiserlicher mairstat

erobering des königreichs Thu  
nisi / wie die vergangener tag von Rom / Neapls /  
vnd Venedig / gen Augspurg gelangt hat / vnd  
von Genua den xij. Augusti hieher geschrie  
ben ist.




Erffurdt gedruckt Matthes Maler xxij. Aug  
usti. 1 5 3 5.

1893/4 G 2845



Faint, illegible text at the top of the page, possibly bleed-through from the reverse side.



Faint, illegible text at the bottom of the page, possibly bleed-through from the reverse side.





**E**rstlich ist die Kay. May. am xvij. tag Junij in den Canal zu Thunis ankomen / mit ihrer May. Schiffung vnd Armada / vnd hatt sich vngeserlichen auff vier meyl wegs nahent für Thunis gelegeret / Daselbst das fus. volck auff das land lassen tretten / vnd das geschütz auch zu besten vorteyl eins teils auff dem lande / vnd eins teils auff das wasser gericht / vnd alda einen wasserthurn / so zu bewarung zwayer schlösser / so nit weit darvon in der einfart des Kessels / so man sonst Stretta nēnet / gegeneinander vber gelegen / vnd wol versehen gewesen sind / angegriffen vnd mit gnad vnd hülff Gottes gewonnen / was darinnen ergriffen / erschlagen / vnd den Thurn also innen erhalten.

Nachmalen als die Teutschen / Spanische vnd Italianischen Knecht / auff das land kōmen / vnd der Thurn gewonnen gewesen / ist die Kay. May. selbst auch aus der schiffung auff's land getretē / vñ hat sich mit dem fus. volck vnd reysigen zeug / nidder geschlagen / Doch die schiff vñ Armada / wol besetzt gelassen vnd ihr geschütz eins teils auff das land gericht.

Als solichs des Barbarossa volck gesehen / haben sich etlich aus inen / bey hundert guter trefflicher reuter / darunder bey zehen grosser Hauptleut gewesen / aus der stadt Thunis gelassen / der meynung vñ hoffnung / das geschütz abzueylen / Des aber die Keyserischen gewar worden / vñ haben mit inen einē Scharf mützel gehalten / vnd darunder bey den viertzigen erlegt vnd gefangen / darunder der gedacht hauptleut sechs gewesen / sind die andern inn die flucht kōmen / vnd auff der Keyserischen seiten bey zehen vmbkōmen / Darunder auch der Graff von Serna / so ein trefflicher hauptman gewesen / erschossen worden ist.

Darnach am andern tag habē sich widerumb bey dreyhundert reuter / aus der Stadt gelassen / vnd den  
A ij Keyserischen



Keyserischen wider den scharmützel angeboten/ vnd  
inn einem hötzlin ettlich gute vnd grosse stuck büchsen  
verhalten/ der meynunge die Keyserischen damit zubes  
schädigen / aber daran wenig gewonnen/ dann von  
ihnen bey den hunderten erwürgt / vnd die andern in  
die flucht getriben/ das geschütz genomen/ vnd wege  
geführt/ vnd ist aber auff der Key. May. parthey/ bey  
xx. vmbkommen / vnd darunder der Marggraff von  
Montoiar / so hauptman vber ettlich Portugalische  
reuter gewesen/ ist hart verwundt worden.

Nachmals am xxviii. tag Junij. ist der Ka. May.  
von dem alten vertribnen König von Thunis/ ein bot  
schafft zugeschickt worden/ die sich gegen irer May.  
demütig erboten hat/ das irs herrn vnd Königs gents  
licher wil vnd meynung sey/ sich mit seinem volcke als  
len zu seiner Ka. Ma. zuschlahen vnd zubegeben/ vnd  
wider den Barbarossa getreue hülff zuthū/ Wo sol  
lichs irer Kay. May. willen vnd gefallen were/ soll ir  
Kay. May. ihm ettliche schiff zuschicken / das er mit  
seinem volck vnd geschütz/ aus den bergen (darinnen  
er sich bisher erhaltē hab) vberschiffen müg/ wellichs  
die Kay. May. ihm bewilligt hat / vnd ist also am letz  
sten tag Junij mit ccc. pferden/ vnd ettlichen stucken  
püchsen zu der Kay. Ma. kommen/ den ihr Kay. Ma.  
samt sein hauptleuten gar erlichen empfangen/ vnd  
inn ihrer Kay. May. gezelt füreu lassen hat/ vnd aller  
ley mit ihm geredt vnd gehandelt durch Caldeische  
Tulmetischen/ so der selb König mit ihm gepracht vnd  
gepraucht hat.

Darnach hat die Kay. May. den gemelten König  
inn sein zelt/ so sein May. ihm hett zurichten vnd einge  
ben/ belayten lassen/ Vnd es hat auch sein Ma. in des  
Königs ankunfft/ alles ihrer May. fusuolck vnd rey  
sigen/ so auff dem land gewesen/ inn gutter schlacht  
ordnung steen lassen / wölliches dem König fast wol  
gefallen



gefallen hat / vñ seer lustig vñ schön zusehē gewesen ist.

Als der Künig in der Kay. May. zelt komen ist / hat er seiner Kay. May. diehend vñ füss geknist / vñ darnach neben ihr May. ( so in einen sessel gefessen ) auff das plos erdtrich gefessen / vñ sich gegen irer Kay. May. erboten / Er hab bey ccc. Camel / vñ etlich tausent pferd / so noch im gepirg seind / die sollē sich auch inn kurtz zu ihrer May. verfügen / vñnd er wölle sich auch ihrer Kay. May. mit allem seinem volck gentslichen ergeben vñ beuelhen / wölchs die Kay. May. also mer aus barmhertzigkēyt / dann das sich ir Mædesselben Künigs / der so gar aus dem land vertriben ist / hilff viel getröstet / angenommen.

Also ist die Kay. May. willens gewesen / darnach sich vmb die zwey Schlösser / welche der Stadt Thunis / vñ des Canals oder Kessels ( so man sonst Strotta oder Cawa nennet ) vorwör / oder propugnacula nennet / die dann fast wol bewart vñ gesterckt sind / angenommen / vñ die selben zu stürmen / vñ nach eroberung der selben Schlösser / den Kessel selbst ( darinnen dan des Barbarossa gantze macht vñ geschütz vñ volck auff dem wasser steht ) anzugreifen / Dan wo der selb also erobert / so were die stadt Thunis schon gewonnen / Wo aber die stadt on eroberung des berürten Kessels auff dem land ( wie möglichhen were ) gewonnen wurd / möcht der Barbarossa mit seiner besten Armada rüstung vñ geschütz / durch diesen Kessel vñ Canal aus empfliehen vñ darvon komen / darumb dieser ander weg also fürgenommen ist ) dis ist aus Frantzösischer sprach / in Deutscher transferirt. Nachfolgend ist weiter schreiben vñ anzeygung von den Deutschen kommē / wie der Barbarossa sein leger heraus an die stadt Thunis geschlagen hab / in die acht tausent starck zu ross vñnd fues / denen seye die Kay. May. mit irem kriegs volck entgegen gezo /  
A iij gen /



gen/vnd haben die Spanischenvnd die Teutschen  
Knecht den vorzug gehabt / Also sey des Barbarossa  
volck/aus irem leger / inen entgegen vnd vnter augen  
gezogen/mit inen zu schlagen/wie auch geschehē/Sie  
sind aber bald von der Kay. May. volck inn die flucht  
geschlagen vñ gedrungen worden/ihren leger sampt  
dem geschütz zuuerlassen/vñ sagen auch auff des Bar  
barossa seyten acht hundert erstochen/etlich gefangen  
worden / darunter des Barbarossa hauptman/ Jus  
dea genant/auch gefangē/vnd lxx. stuck püchsen/auff  
redern erobert worden / Auff den selben tag sol auch  
Herr Andre de Oria/mit seinen Galeen/den Port zu  
Thunis/den der Barbarossa mit dem starcken was  
serthurn/vnd zweyen Pasteyen oder Schlossen/bes  
festiget/vnd allen seinen trost darauff gesetzt/wie vor  
gemelt im ersten how erobert vnd gewonnen haben.

Weyter so sind auff den funfften tag Augusti/aber  
malen newe zeytung von Venedig vñ Neapolis her  
kōmen/kürtzlich vñ Sūmarie/der meynung/das die  
Kay. May. am xiiij. tag Julij. die Statt Thunis ge  
wunnen/vñ eingenōmen/ den Barbarossa/vnd seine  
bestehauptleute gefangen(etlich meldē auch enthaupten  
lassen) hab/vnd gar gnedlichen vñ ernstlich/mit  
irer Kay. May. Kriegsleuten vnd Knechten handelen  
hab lassen/die Stadt Thunis nit zu spoliern oder zu  
plündern/so sie doch dem armē künig zugehōre/dem  
wolle sein Kay. May. solliche Stadt widerumb ein  
antworten zc. Vnd darfur den Knechten einem yeden  
vser Monat sold geben/vnd darnach ein andere stadt  
zu plündern vergünnen vnd schencken / vnd in andere  
weg ergetzen lassen/vnd die Kay. May. wolle aber die  
zway Schlösser / oder propugnacula oder vorwör  
des Kessels selbs innen haben / vñ behalten/vnd von  
dem Künig zu Thunis jarlich Tribut nemen.

Aus dem



## Aus den Schreibē gē Nurnberg:


**A**us Genua schreibt man / das ein Kayserlicher Heylender Postcurrir angezeygt hab / Kay. May. hab la Galeta den xliij. Julij mit dem sturm / der von angeenden tag bis auff mittag gewert hab / erobert / das kriegsvolck so darinnē gewesen sey / alles erschlagen / ausserhalb der jenigen so sich selbst ertrenckt haben. Vnd hab auch darinnē erobert lxxv. Galeen vnd Galleon / ob ccc. stuck püchsen von Kupffer / das eysern geschütz nit gerechnet / Darzu sein an einē andern ort noch xij. Galeen / so der Barbarossa auff sein flucht geordnet / auch gewünen. Doch hat Kay. Ma. kriegsvolck / an so hartē sturm auch etwas schadē genumē.

Den xv. Julij hat Kay. May. die Stadt Thunisi auch erobert / darinn sein bey sechs tausent Turcken erschlagen / aber des Kayserlichen kriegsvolck wenig verloren worden / Das alle Saw vnd Püchsenmeyster in der statt sein Frantzosisch gewesen / deren was gefangen / sein auff Galeen gelegt / was Turckē Christen haben wöllen werdē / sein bey dem leben gelassen / Barbarossa ist nit vntkommē / sonder gefangen worden / Die Stadt Thunisi ist nit plündert / aber. iij. monat solde fur die plünderung den Knechtē versprochē / Vnd Kay. May. gemüth sol sein / mit ihrem kriegsvolck gen Constantinopel zuerrücken.

Dieser Currier zeygt auch an / wie die Kay. May. daselbst ein Creutz vngewerlich anderhalb spannen lang vō einer wunderbarlichē metall / im erdtrich gefunden hab / welches Creutz die Ka. Ma. von stundan irer May. gemahel zu einē beudpfeñig zugesand hab.

Zu Genua ist grosse freudfexor / wie diser Currier gesehen / gehalten worden. Teglich ist man weiter zeyttung warten / wie sich alle sachen von anfang bis zum endt verlossen haben.







No 2209











№ 2209

X22 13460









B.I.G.

Farbkarte #13

# Keiserlicher maiestat

erobering des königreichs Thu  
nisi / wie die vergangener tag von Rom/Neapls/  
vnd Venedig/gen Augspurg gelangt hat/vnd  
von Genua den xij. Augusti hieher geschrie  
ben ist.



Erffurdt gedruckt Matthes Naler xxij. Aug  
usti. 1535.

1893/4 G 2845